



國家清史編纂委員會·文獻叢刊

續編

清代稿鈔本

第六七冊

國家清史編纂委員會·文獻叢刊

續編

清代稿鈔本

第六七冊

廣東省立中山圖書館
中山大學圖書館

編

主編 桑兵
副主編 李昭醇

程煥文

廣東省出版集團
廣東人民出版社
·廣州·

第六七冊目錄

鄧和簡公雜鈔		一
鄧和簡公蘇藩任條陳政事書		四二五
鄧和簡公御史漕督奏議		四四九
鄧和簡公詳議變法事宜奏稿		四八三

鄧和簡公雜鈔

不分卷

鄧華熙 撰

稿本

直隸總督曾國藩奏試辦練軍

奏為試辦練軍。畧有端緒。約定營制。次第舉行。恭摺仰
祈 聖鑒事。竊以直隸練軍。臣於上年八月再行酌議事
宜一摺。擬照舊制畧為變通。先行試辦。一面奏明。一面咨行
提督傅振邦。於古北口提標兵內。挑選千人。正定鎮總兵譚
勝達。於正定鎮標兵內。挑選千人。廣東瓊州鎮總兵彭楚漢。
於甯標兵內。挑選千人。共三千人。分成六營。其前署甯官
文裁贖之四千人。分地操防。相因未改。嗣於十一月內。接准部

咨。令先行試辦。俟半年後察看。果皆妥善。再行酌定。永遠
章程。奏明核辦等因。分別行知立案。查新練走隊六營。
自去冬成軍後。各立營壘。認真操演。本年三月初旬。解凍
春融。彭楚漢保寧兩營。拔赴正定一次。譚勝達帶正定兩
營。拔赴保寧一次。四月初旬。督提督傅振邦。帶古北口兩營。
拔赴保寧一次。沿途支搭帳棚。不入村鎮。兵丁築壘挖壕。
每日習熟。不以為苦。惟北方野曠風勁。冬臘正二月。單
帳易裂。鐵鑊難穩。若古北口及宣化。則十月已不能支棚。

矣。將來嚴寒出師。或須分駐村鎮。攢程追賊。或當暫棄
鍋帳。主諸將隨時酌辦。此外則逐日每營鋤荷鋤修壘。
皆弁兵之所優為者也。其脫逃頂替者。每軍不過數人。多
者十餘人。此主無事之際。不知將來驅之赴敵。不至如往年
之紛紛逃避否。畿南騎賊頗多。聚散不常。動輒數十騎。
聯鑣疾走。非有得力馬隊。不能制遏。直隸保營。在馬缺
額頗多。存者大半疲瘦。蓋綠草料騰貴。每日非置銀一錢
不能養馬一匹。而例領馬乾七折。每日僅得銀二分一厘。不敷

甚鉅。是以營馬疲弱不堪。不特直隸為然。即各省官馬。從未見臆壯可愛者。獨勇隊中常多良馬。銘軍馬尤肥健。蓋以其為勇丁之私馬。是以愛惜珍重。調養得宜。臣與僚屬熟商。欲求馬隊精強。必令馬為士卒之私物。欲令士卒惜其私馬。必以勇營為之倡。而以兵營效之。適直李鴻章奉征黔。援秦之命。銘軍勢難久留。直隸臣因飭譚勝達募馬勇二營。彭楚漢募馬勇一營。王可升練馬兵一營。每營二百五十人。四營合成千人。勇則各帶私馬一乘。兵

則先結友馬。每月扣銀一兩。俟將馬價扣畢。即作為領兵之
私馬。使人自護。惜私馬則合營皆勁騎矣。若將步隊馬隊
禁制。抄呈 御覽。請旨飭下部臣核議。其中四馬隊不
過步隊之中一棚。只以十人為率。及練餉底餉。併作一處支
領。均經部議允准立案。此外應行事宜。大約比照湘勇准勇
舊章。參酌增損之。章程可行。則前署督臣友文所留之四
千人。除宣化鎮之千人已撤。王可升改為步隊兩營。馬隊一
營外。其餘三千人。均擬改從新章。並添練三千人。足成一萬

之數。以馬隊之章可行。當擬添練千人。足成二千之數。以馬
兵勁健可恃。即將馬勇陸續裁撤。仰刻朝廷整頓綠營。
少用勇丁之本意。至淮勇乃臣奏留拱衛京畿之師。大隊扎
於張秋。今調八營扎於保定。彈壓巡防。深滋得力。今秦隴
軍事吃緊。該軍恐須入關。臣已飭駐扎保定之某司丁壽昌
暫留銘軍馬隊六名營。仍增募淮勇二營。以備緩急之用。
待直隸練兵一萬二千人。概有成效。再將銘軍分別調遣。
庶幾輔有警不至倉皇失錯。至每月餉項。現有部餉四

萬蘇餉三萬。長蘆後價一萬一千。已統歸練餉局派委司
道經管。目前足敷支用。將來如有短絀。再行奏請撥至軍
火器械。馬步各營。均以半用洋槍。半用長矛。為得力。此間難
於購辦。臣於冬間已派人前赴安徽採辦竹竿長矛。又檄飭
上海機器局大製選洋槍二千杆。並代買馬槍千杆。暨洋藥
銅帽之屬。以資應用。惟恐須購至外國。遲速尚難預定。目下操
練機器。均不精良。難期遽有起色。合併陳明。所有試辦練軍
酌定禁制緣由。理合恭摺具奏。奉

旨該部妥議具奏單二件併發欽此 同治九年五月

同治九年十月二十四日奉

所鈔上諭謹照鈔
分句讀以便恭讀

聖訓款式用紅筆

上諭翰林院編修黃彭年奏時事艱難請勤修省
一摺。本年时序失调。水旱迭見。江湖盛漲。下游受災。
天時示警。良用惕然。而各省慢上逞兇之案。層見
迭出。人事尤屬可憂。夙夜祗懼。差涉大川。固知攸濟。
若黃彭年所陳。懋聖學。戒臣工。節財用。廣言路。
各條。剴切詳明。於修省之道。大有裨益。惟當致求

治。重道親師。慎侍御僕從之選。屏耳目。玩好之娛。期而
天下共臻上理。爾內外大小臣工。亦當恪共厥職。共濟時
艱。力戒因循。推誘奔競。夤緣。庶幾積習。漸除。諸事可
期振作。至黜奢崇儉。迭經誥誡。諄。秘恐奢侈相沿。
動踰禮制。朕躬行節儉。為天下先。嗣後內務府大臣。
於一切用款。務當查照舊章。力求撙節。不得任意加
增。凡百臣工。尤當懍遵法制。毋尚浮華。言路通塞。實
為治理所關。立廷諸臣。於政事得失。人才賢否。如確有所

見。張書直言無隱。以副朝廷廣開言路之意。民為邦
本。本固不搖。為治之道。以固民心為要。而宏濟艱難。尤
惟賢才是賴。願與中外諸臣。朝夕圖維。共求長治久安
之策。朕有厚望焉。原摺著留覽。欽此。

黃彭年丁未進士
貴州貴筑人

掌山西道監察御史張謐奏

為湖南義民滋事。懇嚴政體。清亂源。恭摺仰祈
聖鑒事。臣聞弭盜之術。有二。示盜宜求所以安之。勿求所以勝

○大盜宜求所以勝之○勿求所以安之○然送踪隱而未露○則
勝之○又不如安之之為得也○溯查粵逆起事之由○其初攘奪
頻聞○州縣亦常稟報○大吏不亟圖剿辦○但循撤任留緝○故事
弋獲○無期○遂相率為諱盜之舉○馴至亂機已成○流毒天下○今
之湖南○即廣西之故轍也○以目之思揣今之勢○方張之寇○易治伏
莽之戎○難治知其難而力拯之○殆焉○無以開其弊端○徒焉有
以制其變動○施之以整齊之法○加以變化之方○教為黼座陳
之一曰嚴疎防○國家設官治民○所以安集教化之也○各府州

縣責有專司。而疎防盜賊。律令尤重。若亂民竊發。叛逆
有據。該管官咎有應得。又甚於疎防盜賊也。今日之有司。
藉會匪之名目。上司不欲究治。本官不敢查拿。甚至賄賂
通行。誅求無已。明予以藉口之資。遂至激成禍亂。始而解任。
旋即開復。左倡率者。罷不究誅。而釀亂者。遂置身事外。目
思聚黨稱兵。必非一日可集。何以不設嚴防。以謂賊有穴巢。何
以不先搜洗。即或自遠而至。何以隣封亦漫無覺察。種下推
求。殊不可曉。蓋之武職大員。帶兵追勦。徘徊觀望。賊已遠